



## Torah écrite (pentateuque) - Exode

### Chapter 38

- 38,1 ויעש את-מזבח העלה, עצי שטים: חמש אמות ארכו וחמש-אמות רחבו, רבוע, ושלש אמות, קמתו.
- 38,2 ויעש קרנתיו, על ארבע פנתיו--ממנו, היו קרנתיו; ויצף אתו, נחשת.
- 38,3 ויעש את-כל-כלי המזבח, את-הסירות ואת-היעים ואת-המזרקות, את-המזלגת, ואת-המחתת; כל-כליו, עשה נחשת.
- 38,4 ויעש למזבח מכבד, מעשה רשת נחשת, תחת כרכבו מלמטה, עד-חציו.
- 38,5 ויצק ארבע טבעות, בארבע הקצות--למכבר הנחשת: בתיים, לבדים.
- 38,6 ויעש את-הבדים, עצי שטים; ויצף אתם, נחשת.
- 38,7 ויבא את-הבדים בטבעות, על צלעות המזבח, לשאת אתו, בהם; ובוב לחת, עשה אתו. {ס}
- 38,8 ויעש את הפיור נחשת, ואת, כנו נחשת--במראת, הצבאות, אשר צבאו, פתח אהל מועד. {ס}
- 38,9 ויעש את-הסצר: לפאת נגב תימנה, קלעי הסצר שש משזר, מאה, באמה.
- 38,10 עמודיהם עשרים, ואדניהם עשרים נחשת; ווי העמודים וחשוקיהם, כסף.
- 38,11 ולפאת צפון, מאה באמה--עמודיהם עשרים, ואדניהם עשרים נחשת; ווי העמודים וחשוקיהם, כסף.
- 38,12 ולפאת-ים, קלעים חמשים באמה--עמודיהם עשרה, ואדניהם עשרה; ווי העמדים וחשוקיהם, כסף.
- 38,13 ולפאת קדמה מזרחה, חמשים אמה.
- 38,14 קלעים חמש-עשרה אמה, אל-הצפון; עמודיהם שלשה, ואדניהם שלשה.
- 38,15 ולכתף השנית, מזה ומזה לשער הסצר, קלעים, חמש עשרה אמה; עמדיהם שלשה, ואדניהם שלשה.
- 38,16 כל-קלעי הסצר סביב, שש משזר.
- 38,17 והאדנים לעמדים, נחשת, ווי העמודים וחשוקיהם כסף, וצפוי ראשיהם כסף; והם מחשקים כסף, כל עמדי הסצר.
- 38,18 ומסך שער הסצר, מעשה רקם--תכלת וארגמן ותולעת שני, ושש משזר; ועשרים אמה, ארך, וקומה ברחב חמש אמות, לעמת קלעי הסצר.
- 38,19 ועמדיהם, ארבעה, ואדניהם ארבעה, נחשת; ווייהם כסף, וצפוי ראשיהם וחשוקיהם כסף.
- 38,20 וכל-היתדות למשכן ולחצר, סביב--נחשת. {ס}
- 38,21 אלה פקודי המשכן משכן העדת, אשר פקד על-פי משה: עבדות, הלויים, ביד איתמר, בן-אהרן הכהן.
- 38,22 ובצלאל בן-אורי בן-חור, למטה יהודה, עשה את כל-אשר-צוה יהוה את-משה.
- 38,23 ואתו, אהליאב בן-אחיסמך למטה-דן--ח'ש וחשב; ורקם, בתכלת ובארגמן, ובתולעת השני, ובשש. {ס}
- 38,24 כל-הזהב, העשוי למלאכה, בכל, מלאכת הקדש--ויהי זהב התנופה, תשע ועשרים ככר, ושבע מאות ושלשים שקל, בשקל הקדש.
- 38,25 וכסף פקודי העדה, מאת ככר; ואסף ושבע מאות וחמשה ושבעים, שקל--בשקל הקדש.
- 38,26 בקע, לגלגלת, מחצית השקל, בשקל הקדש--לכל העבר על-הפקדים, מבן עשרים שנה ומעלה, לשש-מאות אסף ושלושת אלפים, וחמש מאות וחמשים.
- 38,27 ויהי, מאת ככר הכסף, לצקת את אדני הקדש, ואת אדני הפרכת: מאת אדנים למאת הככר, ככר לאדן.
- 38,28 ואת-האסף ושבע המאות, וחמשה ושבעים, עשה וויים, לעמודים; וצפה ראשיהם, וחשק אתם.
- 38,29 ונחשת התנופה, שבעים ככר, ואלפים וארבע-מאות, שקל.
- 38,30 ויעש בה, את-אדני פתח אהל מועד, ואת מזבח הנחשת, ואת-מכבר הנחשת אשר-לו; ואת, כל-כלי המזבח.
- 38,31 ואת-אדני הסצר סביב, ואת-אדני שער הסצר; ואת כל-יתדות המשכן ואת-כל-יתדות הסצר, סביב.